

## Saksprotokoll i fylkesutvalet - 22.02.2018

Rosalind Fosse (FrP) sette fram slikt forslag:

«Alternativ til punkt 1-3:

1. Fylkestinget er positiv til etablering av produksjonsskole, men finner ikke Hjeltnes som rett sted.
2. Fylkestinget anbefaler ut i fra dette at eiendommene på Hjeltnes legges ut for salg.
3. I den grad Ulvik herad har interesse for noen av eiendommene, bes rådmannen om å komme tilbake med dette.»

### Røysting

Innstillinga frå utval for opplæring og helse vart lagt til grunn for røystinga.

Fosse sitt forslag fekk 5 røyster (Frp, H) og fall.

Innstillinga punkt 1, 2 og 3 fekk 10 røyster (V, MDG, SV, Sp, KrF, A) og vart vedteken som innstilling til fylkestinget.

Innstillinga punkt 4 vart samrøystes vedteken som innstilling til fylkestinget.

### Innstilling til fylkestinget

1. Det vert etablert døgnkontinuerleg produksjonsskuledrift på Hjeltnes i samsvar med prosjektskisse og med oppstart frå hausten 2018. Permanent produksjonsskuledrift føreset eit årleg statleg tilskot på 9 mill. kr. Drift av produksjonsskule på Hjeltnes vert organisert som gjort greie for i saksframlegget. Opplæringsavdelinga og eigedomsavdelinga sitt budsjett må samla styrkast med om lag 5,8 mill. kr frå 2019.
2. Fylkestinget gir ei ekstraordinær budsjettløyving til oppstart i 2018 på til saman 2,8 mill. kr.
3. Fylkestinget løyver 18,2 mill. kr til investeringar på Hjeltnes i 2019. Inntekter frå sal av eigedom på Hjeltnes skal nyttast til nye investeringar på Hjeltnes.
4. Risikovurderinga i sak PS 23/18 må ferdigstillast (vedlegg 5) før endeleg handsaming i fylkestinget.